




نسخ وادست

۱۳۳۶



بکون بیلنیر قسقه، مجموعہ مملکت
خط چوق آرائیر اور تہہ، نمبر ۶۸، پونٹیز

ایتدک شرف خدمت اجدادی فراموش
آثارینہ اسلافزک رغیب اولمیز

ادیب محترم و مورخ معظم طرفندن حتمده کی ستایش هر نه قدر
حسن نیته مستنداً تنزلاً اجرا بیورلمش ایسه دینه البته حیات متدارانه بی
موجب اولدیغندن تقدیم تشکرات ایلرم .

شیخوخت — وظیفه ثقیله

« افهام ، غزته سنك ۱۰۴ نومرو و ۱۴ تشرین ثانی ۱۳۳۵
تاریخی نسخه سنده کوردیکم زيرده کی عبارت بو جوانی یازمغه بی
مجبور ایتدی .

« علی امیری افندینك استانبول مبعوثانغه نامزد کوستریلیسی حقنده
۳۳۷ امضای بره ضبطه دون هیئت تفتیشیه کوندرلمشدر . محترم استاهك
آوان شیخوختنده بو وظیفه ثقیله بی قبول ایللری حقیقه دوشونلیسی لازم بر
مسئله در « دنیلشدر .

بن بو فقره بی اوقویغجه عجباً کیدیله جك محل علمی ، عرفانی ،
سیاسی ، کیاسی ، تجاری ، وجدانی تاریخی ادبی برمحلمیدر . یوقسه
باجاقلری قوللری صیوایوب پهلوان واری قوت اندام ابراز ایدرك
هایدی باقالم ایشه میدان شجاعت ، جولان ایدوب طور بیورم . قارشیه
چیقه جق زورلی قوتلی پهلوان وار ایسه بیورسون ، دیه جك بر
محلمیدر . اگر بو ایکنجی شقه مخصوص بر محل اوله جق ایسه حقیقه بر
— وظیفه ثقیله — در . طوغریسنی سویله یم یا ، بو موقعده — شیخوخت — و
— وظیفه ثقیله — تعیرلرینك معنالری بر درلو قاودایه مدم .

بنم مشروطیتك ایکنجی سنه سنه قدر بشیك غروش معزولیت
معاشم وار ایدی . مالیه تنسیقات قومیسیننده سائرلری کبی بنمده
ترجمه عالم اوقونور . تنسیقه مأموراوان حلاجیان افندی دیرکه — عجایب بن
شمدی به قدر بو قدر مکمل بر ترجمه حال کور مدم . کویا آناسندن یکی دنیا به
کلش ، بو آدم یچون آچیقده براقیلمش . بوذاته بر مناسب مأموریت بوله لم .

مکن ترجمه حاکم آلت طرفدم بشیك غروش مغزولیت معاشی
 کورونجه تمام حقیدر . شمديك طوقمیه لم بو معاشی آلسین ؛
 نیرا هیچ اولمزه اون واون بشیك غروشلق بر مأموریتہ تعیین
 یتلی یزکه کندیسینی بومعاشدن محروم براقه بیله لم دیمش . شمدي دیوان
 محاسبات رئیس ثانسی اولوب اولوقت او قومیسسیونده اعضا بولان
 جمال بك افندی کمال ممنونیتله بو معامله یی بکا تبشیر ایتمشدی .
 حالبوکه ایشلرک ایی کیتمدیکی کوردیکمدن طولای بو قرار
 وتبشیردن برماه صکره ایدی که اوتوز بر سنه ک مدت مأموریتی حساب
 ایتدم . ۲۶۰۰ غروش طوتمقدم اولدیغنی کورددم . کندی رضام ایاه
 تقاعدی اختیار ایتدم . اکر متأسف بولندیغم اوزمانک تأثیراتیلہ تقاعدلیکی
 اختیار ایتسه یدم دها بو کوندن بیله درت بش سنه صکره یه قدر مغزولیت معاشی
 آله جقدم . قانونک تعیین ایله یکی سن تقاعده داخل اولسنه دها درت
 بش سنه سی اولان بر آدم ایچون عجباً بوتعیری استعمال ایتک نهدن
 ایجاب ایدیور .

بن حلاجیان افندی یی حالا نه کورمش ، نه طانیر نه بیلیرم .
 لکن اوزاتک اولوقت بی طرفانه یوروتدیکی شو حیتکارانه معامله سندن
 طولای وجدانمده برحس حرمت بسلر ، کاشکی بو ذاتی بر کره
 تصادفی اوله رق بریرده کورسه یدم دیه آرزو ایدرم . انسانلق لسان
 ایله دکل وجدان ایله در . حقمده هیچ بر لزوم اولمدیغنی حالده
 اوسوزلری افهامه درج ایدن ذاتده اکر حلاجیان افدینک یوزده
 یری قدر عثمانلیغه حرمتی ومحبتی اولسه یدی او یله معناسنی ادراک
 ایدم مدیکی سوزلری یازمامسی ویاخود یازدیرمامسی ایجاب ایدردی .
 حلاجیان افدینک حیتدن عبرت آله کز اولمزی ؟ باش محرر احمد
 فرید بك افندی !

محترم غزتلرک کافه سی مبعوث نامزدلکمی اعلان ایتدیلم . هیچ
 بریسنده او یله — ثقیل — بر تعبیر وارمی ؟ .

هر كسك وجداننده اولان صورتی قافاسی یرینه قونیلسه یدی .
 وطن وطن، حمیت حمیت دیه باغرانلرك بعضیلری کیم بیایر نه شکله
 کورینه جکدی . نصلکه بعضیلری کورندی بیله ! بندن یکر می یاش بیوک
 اولانلرایچنده نامزدلکلرینی وضع ایدنلر وار . مستتا غزته کزک یالکز
 کوزینه بنی دیکن کبی بآدم .

بنم خبرم بیله یوقدی . استانبول اهالیسندن بعض محترم ذاتلر
 مبعوث نامزدلکمی وضع ایتکی مناسب کورمشلر هر کیمه آچمشلر ایسه
 تقدیر ایتمشلر .

برخی امضا وضع ایدلکدن صکره بکا خبر ویردیلر . یوق
 اویله شی اولز قبول ایتیم دیه تکدیر ایدمرك ورقه یی اللرندن آلوب
 پیرتوب آتمالی ایدم . اونصل شی ! البته بکا دوشه جک وظیفه ،
 انسانیة اصولاً برتشکردن عبارتدر .

۳۳۷ ذوات عالیہ ، بنم سن شیخوخته اولدیغمی ومبعوثلغک
 — وظیفه ثقیله — بولندیغنی ادراک ایتدیلر ده یالکز غزته کز می بومفهومی
 افهام بیوردی .

بنم پدر و والدم سکسان درت یاشلرنده زنده وجود اولدقاری
 حالد ناکهانی برر اجل ایله وفات ایتدیلر .

جدم سید محمد امیری چلبی تمام یوزدورت یاشنه بالغ اولدقدن صکره
 اوتکی دنیایه کتدی . دیمک ایسترمکه بر علت توارث ایتمدیکم
 کبی رومی اعتباریله آتمش بر یاشمده اولدیغم حلد بر قضا نوعندن
 اولق اوزرد یالکز شمدی یه قدر آغز مده بردیش ضایع ایتشم متباقیسی
 اینجی کبی موجوددر . بونکله برابر حمد اولسون شمدی یه قدر
 بن برکون بر طیبیه بیله مراجعته مجبور اولدم . حقمده اوفره یی
 یازان افندی کیم ایسه اومبارک دیشلرینی وکنج وجودینی ابراز ایتسوندم
 کوردم . کورمدیککز بیلمدیککز شیلردن معلومات فرشلق یاپه یاپه
 ایسته بو حاله کلدک .

بوندن یکرمی سنه اول تحریر و طبع ایتدیزدیکم — ازهار حقیقت —
آدی رساله مک یوز اؤن نومروسنده شو جمله نی یازمشدم :
« حیات و ممات کرچه قبضه قدرت الهیه ده در لکن چوق یشامق
ایچون بر چوق مزیت ایستر »

فرانسه جمهوریت فخیمه سی باش و کیلی موسیو قله مانسو جنابلرینک
عمری سکسانی متجاوز اولدینی حالده دولت و مملکتنه ایتکده اولدینی
خدمت میدانده در. بونکله برابر جهانک مقدراتی تعیینه مأمور اولان دنیاده
امثالی نا مسبوق پک مهم و پک عالی بر قونفره نک ده رئیس عالیسی
اولدینی حالده نه ائتلاف دول معظمه و مدنیه سنک مرخصلری کبی فضلالی
ذوی الاحترام ونه ده کره ارضده بولنان بو قدر ذوی العقول انام ،
بو ذات سن شیخوخته در دیه اعتراض ایتیوب بالعکس هر بر
تعظیم و حرمتی ایفا و خدماتی تقدیر ایتکده لرایکن پک غریب شیدر که
بزده نه قدر عالم و فاضل و کامل و مقتدر اولورسه اولسون سنی اللی
آتمشه واردیمی بو آدم بونا ق اولدی بینی صولاندی عته کتیردی دیه مأموریتنه
کوز دیکمک و مأموریتی اولدینی حالده بیله انظار عامه ده حس
خرمت قزاندیغنی کوررلرده کندیلرینک موهوم اولان کمالانه کویا
بر لکه کتیرمه مک ایچون بشقه بر قصورینی بوله مزلرسه شیخوختدن
بحث ایدرک انظار عامه دن دوشورمکه غیرت ایتک بعض املپرستان وطن
ایچون بر موده شکلی آلدی . فسیحان الله العظیم .

بو غزلی تمام قرق سنه اولکی وقت و حالک ایجابنه کوره متأثرانه
بر حیرتله انشاد ایتمشدم :

فرصت الدن کیدیور آم بو غفلت یتیشور
عالمک ایلیم حاله دقت یتیشور